

**PLAN FOR
KULTURBYGG,
IDRETT OG
FRILUFTSLIV
|
FYRESDAL
KOMMUNE
2006 – 2009**

INNHALD:

HØYRINGSLISTE DELKOMMUNEPLAN FOR KULTURBYGG, IDRETT OG FRILUFTSLIV I FYRESDAL KOMMUNE	3
INNLEIING	4
Bakgrunn for planen.....	4
Planprosessen.....	4
Definisjonar.....	5
Evaluering av førre plan.....	5
Retningslinjer for spelemidler.....	5
MÅLSETJINGAR	6
Hovudmål.....	6
BEHOVSANALYSE	7
Situasjonen i dag.....	7
Kulturbygg.....	7
Friluftsliv.....	8
ANALYSE AV LANGSIKTIGE OG KORTSIKTIGE BEHOV FOR ANLEGG OG AKTIVITET	9
Kjelder.....	10

HØYRINGSLISTE DELKOMMUNEPLAN FOR KULTURBYGG, IDRETT OG FRILUFTSLIV FYRESDAL KOMMUNE

Formannskapet
Hovudutval for Kultur, oppvekst og omsorg
Hovudutval for Landbruk og teknikk
Barnas representant

Telemark Fylkeskommune, regionaletaten
Telemark Fylkeskommune, planetaten
Statens Vegvesen

Telemark Idrettskrets
Fyresdal Idrettslag v/ Ågot T. Nesland
Fyresdal Skiskyttarlag v/ Arve Levang
Fyresdal Skyttarlag v/ Kjell Arne Lauvrak
Fyresdal Snoskuterklubb v/ Elin Lauvrak
Fyresdal RC-klubb v/ Olav Bjørnerud
Hugljufur Ridegruppe v/ Kristine Berthelsen
Tele Agder Flyklubb v/ Rolf Nossum
Fyresdal Idrettsråd v/ Jon Veum
Elevrådet v/ Gimle

Kilegrend Grendelag v/ John Erling Helle
Heggland Grendelag v/ Annveig Johre
Veum Grendehus v/ Olav Åge Dale
Vestkanten Grendelag v/ Audun Libjå
Birtedalen Grendehus v/ Åsmund Kile
Hauggrend Grendelag v/ Olav Momrak Haugan
Kleivgrend Grendelag v/ Tore Metveit
Åsland Grendelag v/ Gunnhild Slyngstad
Roan Revy og Teaterlag v/ Liv Johre Bakke
Fyresdal Reiselivslag v/ Sigrun Skomdal
Veum Grendelag v/ Kjell Bjaaland
Fyresdal Sokneråd

Arbeiderpartiet
Senterpartiet
Bygdelista

Til offentlig gjennomsyn:
Kommunehuset (Sentralbordet)
Fyresdal Folkebibliotek

INNLEIING

Bakgrunn for planen

Fyresdal Kommune fekk sin første plan for idrett og friluftsliv i 1998. Denne vart revidert i 1993 og i 1999. I år 2000 kom det krav frå departementet om at det også skulle lagast plan for kulturbygg. Sidan Fyresdal er ei lita kommune fann ein det føremålstenleg å lage ein felles plan for dei nemnde områda. Planen vart difor revidert på nytt i år 2000 og kulturbygg vart integrert.

Kravet til kommunalplanlegging er heimla i plan- og bygningsloven §20-1. Kommunedelplan for kulturbygg, idrett og friluftsliv er ein tematisk plan, og ein del av det kommunale plansystemet.

Gjeldande plan for kulturbygg, idrett og friluftsliv vart vedteken av kommunestyret 15. desember 2000, og gjort gjeldande for perioden 2001-2004. Etter vedtak i KS-sak 71/04 gjeld planen også i 2005. Med bakgrunn i denne planen er det utarbeidd ny plan for perioden 2006-2009. Planen byggjer på gjeldande plankrav frå kulturdepartementet.

Departementet stiller krav om at alle anlegg som ein ynskjer å søke om tippemidlar til skal vere med i ein vedteken plan for idrett og friluftsliv. Målet med planen er å få eit godt styringsverktøy for dei ulike sektorane i Fyresdal Kommune, samt koordinere utbyggings- og rehabiliteringsprosjekt i regi av lag og organisasjonar i kommunen. Ein ynskjer å få ein plan som er eit godt verktøy i arbeidet med vidare utbygging og tilrettelegging for idrett og friluftsliv i kommunen.

Planprosessen

Kulturavdelinga ved ungdoms- og fritidsleiar har hatt ansvaret for årleg rullering av planen, og er også ansvarleg for revidering av planen. Ungdoms- og fritidsleiar har samarbeida med sektor for næring og kommunalteknikk ved sektorleiar, økonomisjef og andre relevante partar i administrasjonen.

Vedtak om å starte arbeidet med revisjon av plan for kulturbygg, idrett og friluftsliv vart gjort i formannskapet i møte 11.05.05, utvalssak 24/05. Formannskapet er planutval i kommunen.

Kulturavdelinga har bedt om innspel til planen gjennom utlysing i kommuneinformasjonen for juni og i Vest Telemark Blad 26.05.05. Frist for innspel vart sett til 15. juli 2005. Fyresdal Idrettsråd tok planen opp til diskusjon i møte 21.juni 2005.

Kulturdepartementets rettleiar "Kommunal planlegging for idrett og fysisk aktivitet" V-0798 er brukt under arbeidet med revisjonen.

Definisjonar

Omgrep som idrett og friluftsliv kan verte tolka ulikt og det er difor naudsynt å gjere klart kva ein legg i dei ulike omgrepa.

Idrett: Aktivitet i form av trening eller konkurransar organisert gjennom lag/organisasjonar.

Fysisk aktivitet: Eigenorganiserte trenings- og mosjonsaktivitetar, mellom anna friluftsliv og leikeprega aktivitetar.

Friluftsliv: Opphald og fysisk aktivitet i friluft, i fritida, med sikte på miljøforandring og naturopplevingar.

Nærmiljøanlegg: Enkle anlegg eller område tilrettelagt for uorganisert fysisk aktivitet mynta på lokalbefolkninga, og lagt i eller i tilknytning til bustadområde.

Ordinære anlegg: er i hovudsak nært knytt til konkurranse- og treningsverksemd for idrettsorganisasjonane

Friluftsområde og friområde: vert ofte brukt om grønne område som er tilgjengelege for allmennheita til fri ferdsel. Friluftsområde er store ofte uregulerte områder. Friområde dekker avgrensa områder som er opparbeida for, og kor det er lagt til rette for, allmenn rekreasjon og opphald.

Evaluering av førre plan

Idretts- og friluftsplenen har vori grei og oversiktleg, og vori eit godt verktøy for kommunen når det gjeld bygging og rehabilitering av anlegg. Vi jobbar med å få planen godt integrert i budsjettarbeidet og kommunen sitt planarbeid elles. Planen har fungert godt som grunnlag for søknad om tippemidlar. Ein har gjennomført bygging og rehabilitering av fleire anlegg i perioden. Fyresdal Symjehall har vorti rehabilitert og skiskyttaranlegget på Veum er godt i gong, med ferdig standplass. Dusj- og garderobeanlegget som skal knyttast til skiskyttaranlegget, er i startgropa. Sandvolleyballbane er ferdigstilt som ein del av utbetring av friområdet ved kyrkja, som også omfattar Bryggeparkprosjektet. Sandvolleyballbanen er ikkje laga etter kriteria til anlegg godkjent for tippemidlar. Kommunen fekk også nærmiljømidlar til skateanlegg i sentrum i 2005. Skateanlegget er under ferdigstilling. Friidrettsanlegg på Gimle er noko som er tenkt langt fram i planperioden 2006-2009.

Retningslinjer for spelemidlar:

Den statlige idrettspolitikken ynskjer å legge til rette for at flest mogleg skal gis moglegheit for å drive idrett og utøve fysisk aktivitet. Gjennom rammefordeling av spelemidlar ynskjer departementet å vere med å bidra til at det skal vere mest mogleg lik tilgang på anlegg for befolkninga uavhengig av bustad. Kva for anlegg som vert bygde vil vere eit resultat av lokale og regionale behov og prioriteringar. Som et verktøy i dette arbeidet kjem dei kommunale og fylkeskommunale planane for idrett og friluftsliv. Vedteken plan for anlegg og område for idrett og friluftsliv er ein føresetnad for tildeling av spelemidlar.

Det vert stilt ein rekke krav til anlegg som ein ynskjer å få tilskot til. Dei fleste anlegg har krav til utforming sett av dei ulike idrettane sine særforbund, og det stillast også krav til planar for finansiering og drift av anlegga. Ofte er dette ein omfattande prosess, og det er difor viktig at alle lag og organisasjonar som ynskjer å søke om tippemidlar melder frå om dette til kommunen så tidlig som råd.

MÅLSETJINGAR

Kommuneplanen er overordna plan for Fyresdal Kommune. I samfunnsdelen står det:

- Gjennom handlekraft, fleksibilitet og utradisjonelle løysingar, skal Fyresdal vere ein framifrå stad å bu og virke.

Planen seier også:

- Arealforvaltinga skal ta omsyn til busetjing, næringsliv og naturkvalitetar
- Skule og kultur skal spele ei nykelrolle i utvikling i kommunen

Næringsarbeidet i Fyresdal har m.a. dette som mål i økonomiplan 2006 – 2009:

- Det rettast spesiellmerksemd mot utviklingspotensialet i småskala-turisme og lokal foredling

Sektor for kultur og oppvekst m.a. desse måla i økonomiplan 2006 - 2009:

- Rørsle, ernæring og kultur pregar kvar dag i sektoren
- Sektoren er samla i funksjonelle og inspirerande omgjevnader og lokale som òg tener lag og foreiningar
- Kontakt med natur, næringsliv og kultur gjennomsyrrer det ordinære arbeidet og fremjar ei positiv haldning til heimbygda
- Sektoren er ein støttespelar og samarbeidspartnar for lag og organisasjonar i kommunen

Hovudmål:

For å følgje opp målsetjingane i kommune- og økonomiplanane ynskjer ein å ha fylgjande hovudmål for plan for kulturbygg, idrett og friluftsliv:

- Fyresdal kommune skal i samarbeid med lag og organisasjonar legge til rette for fysisk aktivitet. Det skal og leggjast til rette for uorganisert aktivitet og for friluftsliv, jakt og fiske.
- I dette arbeidet skal barn og unge prioriterast.

Delmål:

- Kommunen skal medvirke til å skape møteplassar som er attraktive for innbyggjarane.
- Kultur skal brukast offensivt for å auke trivselen i kommunen, med særleg vekt på at det vert lagt til rette for å løyse ut initiativ og engasjement hjå friviljuge organisasjonar og privatpersonar.
- Arealforvaltninga skal sikre born og unge tryggleik og moglegheiter for ulike aktivitetar.

Born og unge som målgruppe er i tråd med nasjonale prioriteringar.

Tiltak for å nå hovudmålsetjinga i planperioden:

- Oppretthalde tilskot til idrett og kulturføremål
- Bidra økonomisk ved realisering av store kostnadskrevjande anlegg
- Utbygging på Gimle skule, med opprusting av uteareal
- Five a side bane (kunstgrasbane)
- Økonomiplan 2006-2008 byggjer opp under målsetjingane i kommuneplanen, og seier mellom anna at avdeling for kultur har som mål å vere støttespelar og samarbeidspartnar for lag og organisasjonar i kommunen, og legge til rette lokale og møteplassar for innbyggjarane. Avdelinga ynskjer å bidra til eit aktivt og positivt idrettsmiljø, og bidra til eit aktivt miljø rundt motorsportanlegg på flyplassen.

BEHOVSANALYSE

Situasjonen i dag:

Aktivitetsnivået i lag og organisasjonar som driv innanfor områda idrett og friluftsliv er høgt i Fyresdal i forhold til folketalet. Kommunen yter tilskot i form av kulturmidlar kvart år, og er også ein viktig bidragsytar med økonomiske midlar ved bygging av kostnadskrevjande anlegg. Det vert også lagt ned ein stor dugnadsinnsats av dei ulike laga.

Kulturbygg

Kommunen gjev årlege driftstilskot til grendehusa i kommunen.

Dei fleste grendehusa i Fyresdal er gamle grendeskular og er eigd av kommunen. Hauggrend Grendehus blei overteke vederlagsfritt av Hauggrend Grendelag for nokre år sidan, så dei eig og drifrar huset.

Bygg/stad	Eigar	Drivar
Hauggrend grendehus	Hauggrend grendelag	Hauggrend grendelag
Kyrkjestoga/Veum	Kyrkjestoga v/styret	Kyrkjestoga v/styret
Fredheim/Veum	Roan Revy og teaterlag	Roan Revy og teaterlag
Veum grendehus	Fyresdal kommune	Veum grendehus v/styret
Åsland grendehus	Fyresdal kommune	Åsland grendelag
Kleivgrend grendehus	Fyresdal kommune	Kleivgrend grendelag
Heggland grendehus	Fyresdal kommune	Heggland grendelag
Gardar	Fyresdal kommune	Fyresdal kommune
Fyresdal samfunnshus	Fyresdal kommune	Fyresdal kommune
Vestkanten grendehus	Fyresdal kommune	Vestkanten grendelag
Birtedalen grendehus	Fyresdal kommune	Birtedalen grendehus v/styret
Kilegrend grendehus	Fyresdal kommune	Kilegrend grendelag
Stabburet v/Moland pr. gard	Staten	Fyresdal sokneråd

Friluftsliv:

Fyresdal Kommune har ein rik og variert natur. Det er store og flotte friluftsområde i kommunen, og dei siste åra har ein også jobba med å få til fine og funksjonelle friområde, som til dømes Bryggeparken.

Fyresdal Idrettslag har ei trimgruppe som mellom anna arrangerar Bispeveg marsjen og toppturar gjennom året. Bispeveg marsjen har eksistert i 20 år. Ti på topp går gjennom året, og er lagt opp slik at ein registrerar talet på toppar kvar einskild har besøkt på eit år. Ein kan vele mellom 15-20 turar og må ha vori på minst ti av desse for å vere med i konkurranse om flotte premiar. Det er lagt opp fellesturar til dei ulike toppane ein dag i veka i vår - og sumarhalvåret. Det å kunne gå tur i eit fellesskap og med kjentmann gjer terskelen for å kome seg ut mykje lågare enn om ein skulle gått aleine. Dette er difor eit viktig tiltak som kommunen ser særst positivt på.

ANALYSE AV LANGSIKTIGE OG KORTSIKTIGE BEHOV FOR ANLEGG OG AKTIVITET

Anleggsdekninga i kommunen er bra og variert. Ein har gjort ein stor jobb dei siste åra med å få rusta opp anlegg og bygd nye, slik at det ikkje er så mange prosjekt som er presserande akkurat no. Høgast prioritet bør anlegg for motorsport på flyplassen ha.

Fylgjande tiltak er tekne med i handlingsprogrammet i planperioden:

Motorsportanlegg ved flyplassen. Ein har dei seinare åra sett at det er stor interesse i bygda for motorsport av ymse slag. Det er eit miljø for både snoskuterross og køyring av RC-bilar. Både Fyresdal Snoskuterklubb og Fyresdal RC-klubb er medlemmar av Noregs Motorsportforbund. Laga har i fleire år hatt baner bygd på dugnad, og ser no behovet for å få til eit ordentleg anlegg som tilfredsstillar krava frå forbundet.

Klubbane jobbar med å få til eit anlegg, i tett samarbeid med kommunen. Ein tek sikte på å få starta planleggingsarbeidet i 2006. Kostnadsramma for prosjektet er ikkje klar enno, då det er tidlig i prosessen. Ein kan få 1/3 av totalkostnaden på anlegget, opptil 700.000 i tippemidlar. Ein ynskjer difor å ha ei ramme på 2,1 million fram til ein får avklara kostnaden nærmare.

Kunstgrasbane i sentrum. Fyresdal Idrettslag ynskjer å byggje ein kunstgrasbane på 20x40 meter i nærleiken av dagens ballbinge og grusbane. Det er stor aktivitet i fotballgruppa for tida og dei har mellom anna starta opp med "five-a-side" fotball. Skulen vil ha stor nytte av eit slikt anlegg. Anlegget er difor i tråd med tanken om å prioritere born og unge. Anlegget har ei kostnadsramme på 400.000, og ein kan få opptil 200.000 i tippemidlar. Dette må sjåast i samband med utbygging/rehabilitering av skulebygg og uteareal.

Skyttaranlegget. Fyresdal Skyttarlag ynskjer å oppdatere skyttaranlegget slik at dei får resultatservice til skyttarar og publikum. Dei ser for seg ei trinnvis utbygging. Fullt utbygd resultatservice på både 200m og 100m vil kome på om lag 250.000.

Fríidrettsanlegg ved Gimle – treng opprusting/vedlikhald. Er no nesten ubrukeleg. Både skulen og idrettslaget vil ha nytte av at dette vert gjort i stand att. Dersom anlegget "er der" legg ein samtidig til rette for uorganisert aktivitet. I dette området har ein frå før satsa på Hamaren som eit nærmiljøprosjekt, og eit fríidrettsanlegg ville vere eit godt supplement til dette.

Kjelder:

V-0987 Kommunal planlegging av anlegg og områder for idrett og friluftsliv
Kulturdepartementet 2000

Plan for kulturbygg, idrett og friluftsliv i Fyresdal Kommune 2001-2004